

Hekima ya Mungu

Maana hekima ni bora kuliko marijani; Wala vyote vinavyotamanika havilingani nayo—**Mithali 8:11.**

Kama Adamu na Hawa wangekuwa hawajawahi kula tunda walilokatazwa, Bwana angewapatia maarifa—maarifa ambayo hayakuwa na laana ya dhambi, maarifa ambayo yangewaletea furaha ya milele. Maarifa pekee waliyoyapata kwa kutotii kwao yalikuwa ni kuijua dhambi na matokeo yake....

Kizazi baada ya kizazi, udadisi wa wanadamu umewaongoza kutafuta mti wa ujuzi; na mara nyingi wanafikiri kwamba wanachuma matunda muhimu zaidi, wakati, kama ulivyokuwa utafiti wa Sulemani, wanaona kuwa ni ubatili na kujilisha upepo kabisa ukilinganisha na ile sayansi ya utakatifu wa kweli ambayo itawafungulia malango ya mji wa Mungu. Tamaa ya mwanadamu imekuwa ikitafuta aina hiyo ya elimu ambayo itawaletea utukufu na kujikweza na ukuu. Hivyo ndivyo Adamu na Hawa walivyofanyiwa kazi na shetani mpaka uzuiaji wa Mungu ulipovunjwa na elimu yao walivyopata chini ya mwalimu wa uongo ikaanza ili wapate maarifa ambayo Mungu alikuwa amekataa wasipate.

Hekima ya kweli ni amana idumuyo hata milele. Wengi wa wale wanaoitwa wenye hekima wa dunia ni wenye hekima kwa makadirio yao wenyewe. Wakiridhika na kujipatia hekima ya kidunia, hawaingii kamwe kwenye bustani ya Mungu, ili wazifahamu hazina za ujuzi zilizomo katika Neno Lake takatifu. Wakijidhani kuwa wenye hekima, ni wajinga kuhusiana na ujuzi wa hekima ambayo wanapaswa kuwa nayo wote watapata uzima wa milele. Mtu asiye na elimu, ikiwa atamjua Mungu na Bwana Yesu Kristo, ana hekima ya kudumu zaidi kuliko mtu mwenye elimu zaidi ambaye anadharau maagizo ya Mungu.

Hekima ya Mungu inapaswa kuwa taa miguuni mwako.... Kila kitu ambacho kinaweza kutikiswa kitatikiswa; lakini ukiwa na mizizi na msingi katika ukweli, utakaa pamoja na vile ambavyo haviwezi kutikiswa.